




Des Hochwirdigen/ Durchlauchten/ Hochgebornen Fürsten und Herrn/
Herrn Joachim Friedrich/ Hertzogen in Schlesien zur Liegnitz und Brig ...
Bergfreiheit/ auff die beyden Freien Bergstedte/ Reichstein/ und Silberberg
Liegnitz

Pol 8° 02320 (14)

https://dhb.thulb.uni-jena.de/receive/ufb_cbu_00009213

urn:nbn:de:urmel-236cf241-d057-4b11-aff-74c120f5bb80-00008447-13

Lizenz: <https://creativecommons.org/licenses/by-sa/4.0/>





urn:nbn:de:urmel-236cf241-d057-4b11-afff-74c120f5bb80-00008447-13


S Es Hochwirdi-
gen/ Durchlauchten/ Hoch-
gebornen Fürsten vnd Herrn/ Herrn Joachim
Friedrich/ Herzogen in Schlesien zur Liegnitz vñ Brig/
Des Primat vnd Erststifts zu Magdeburg Thum-
Probst/ Bergfreiheit/ auff die beyden Freien
Bergstedte/ Reichstein/ vnd
Silberberg.



Gedruckt zur Liegnitz durch
Nicolaum Schneider.

Im 1601. Jahre.

urn:nbn:de:urmel-236cf241-d057-4b11-afff-74c120f5bb80-00008447-21



urn:nbn:de:urmel-236cf241-d057-4b11-afff-74c120f5bb80-00008447-31



Vn Gottes genaden Wir
Joachim Friedrich/ Herzog in
Schlesien zur Liegnitz vñ Brig/
Des Erksstifts zu Magdeburg
Thumb Proft: Bekennen vnd thun kundt
hiermit öffentlich/ gegen allermenniglichen/
Demnach sich/ in vnd bey Unseren beyden
Freyen Berg Städten/ Reichstein vnd Sil-
berberg / vnd sonst in andern anreimenden
ortten/ auß Göttlicher vorsehung/ mildig-
keit vnd genaden/ fast Tröstlich Erkt vñ gen-
ge / Silber vnd Gold haltende vor langer
zeit/ reichlichen erzeiget vnd erwiesen haben/
vnd noch zubefinden/ das wol zu glauben/
durch fernere genedige hülffe/ vnd verleihung
des Allmechtigen Gottes/ wann gutte ord-
nung / vnd Policen in dem fahl angestellet
vnd gehalten wirdt/ das sie auch folgendt/
Unseren Landen/ allen Unseren Bntertha-
nen vnd Inwohnern derselbigen/ auch den
jenigen/ so da bawen werden / sich tröstlich
vnd besser an tag geben/ vñ befinden werden/
Derhalben damit berurte Bergwerge so viel
förderlicher vñ statlicher/ in auffnehmen ge-
bracht/ vnd bey ordentlichem wesen erhalten
werden/

urn:nbn:de:urmel-236cf241-d057-4b11-afff-74c120f5bb80-00008447-48

werden/ So haben Wir/ als ein sonder lieb-
haber der Bergwerge/ mit zeittigem vorge-
habtem Raht/ gutten vorwissen/ auch fleissi-
ger erforschung derer/ So solcher Berghen-
del vñ ordnungen wol kündig vñ verstendig
sein/ allen bauenden Gewercken/ auch ihren
Erben vñ nachkommen/ Einheimischen/ vñ
Aussländischen/ So jekundt auff angezeigten
Gebirgen vñ ortten/ Bergwerck bauen/
oder in künfftigen zeiten bauen werden/ Für-
nehmlich zu Lob vñ Ehre Gott des All-
mächtigen/ auch zu tröstlicher erhebung ge-
meines nukes/ vñ zu besonderem auffnehmen
aller Unserer Vnterthanen/ in bemelten
Stedten/ Reichstein vñ Silberberg/ darmit
sie sich Vnsert halben desto mehr schukes vñ
schirms zugetrösten vñ erfreuen haben/ dies-
se hernach beschriebene Bergfreiheit/ vor-
tel/ vñ ordnung vorliehen vñ gegeben/
Vorleihen/ aussenken/ vñ geben jhnen dies-
selbte/ auß Fürsilicher macht vñ gewalt
hiermit vñ in krafft dieses unseres Brieffs
vñ Siegels/ gank wissentlich/ Inmassen/
wie hernach folget/ sich derselben zugebrau-
chen.

Ersilichen begnaden Wir sie/ mit einem
Freien Bergwerck/ auff allerley Metall/ zu
schurffen/

urn:nbn:de:urmel-236cf241-d057-4b11-afff-74c120f5bb80-00008447-50

schurffen vñ einzuschlagen/ Alte stellen vnd
Becken anffzunehmen/ wie es Unser bestalter
Bergmeister/ der zu jeder zeit auff bemelten
Bergwerge zum Reichstein vnd Silber-
berg/ sein wird/ vñ vermöge der Neuen anff-
gerichten Bergwerge ordnung/ zu verleihen
macht vnd gewalt haben sol.

Zum Andern/ sol allen vnd jeden neuen
ankömenden Gewercken/ Bergleuten/ Berg
vnd Hütten Arbeitern/ Sambt allen vñ je-
den Bergwerge verwandten Personen/ vnd
den umbliegenden Nachbarn/ in Unseren
beiden BergStedten/ Reichstein vnd Sil-
berberg/ wie bißhero/ Frey zu Handeln vnd
wandeln/ Mit Kauffen vnd verkauffen/ Als
Bergwerge freiheit/ vnd mit Zuführung/
Fleisch/ Brot/ vnd andern Victualien/ vnd
notdurfften/ vmb billiche leidliche bezah-
lung/ In der Wochen Zweimahl/ als Mit-
woch vnd Sonnabend auß allen umbliegen-
den Stedten/ Märckten/ Dörffern/ oder
Flecken/ ohne menniglichs hinderung/ oder
jerrung/ frey erlaubet vnd zugelassen sein.
Es sollen auch alle batwende Gewercken/ in
allen Unseren Landen/ auff öffentlichen Jahr
vnd Wochenmärckten/ allerley notdurfften/
den Bergwercken zu gutt/ einzukauffen vnd
wegzu-

urn:nbn:de:urmel-236cf241-d057-4b11-afff-74c120f5bb80-00008447-61

wegzuführen/ohne alle beschwerung/Zölle/
oder auffsak/ wie die Namen haben mögen/
guten fug und macht haben.

Vors Dritte/ Sol auch zu schleuniger
vñ förderlicher auffbringung Unserer Berg-
wercke/ allen denjenigen/ so Schurffen und
Neue genge entblößen / damit sie desto mehr
zu Barren gereicht und geneiget / auch zue-
gekligkeit ihrer mühe/ von einem Gang/ den
sie entblößen/ der sich mit Silber oder Gol-
de/ mülich zu barren beweisen würde/ eine
verehrung/ Inhalts Unserer ordnung/ ge-
geben werden.

Zum Vierden/ Damit auch die Einwo-
nenden/ oder frembden Gewercke zu barren
desto williger und begieriger sein möchten/
und das solches zu statlicher auffnehmung
Unserer Bergwerge gelangen möge / So
wollen wir sie aus sonderen gnaden/ die Er-
sten Fünff Jahr/nacheinander folgende/von
dato anzureiten/ des gebührenden Zehen-
den/gank und gar/das sie Uns in bemelter
zeit gar keinen zugeben schuldig sein sollen/
befreiet haben. Nach ausgang aber der er-
sten Fünff Jahr/So wollen Wir ihnen hie-
mit noch mehr/diese Freiheit gegeben haben/
das sie Uns die andern folgenden Fünff
Jahr

urn:nbn:de:urmel-236cf241-d057-4b11-afff-74c120f5bb80-00008447-75

Jahr nur den halben Zehenden an Erkt ge-
ben vnd reichen sollen / Jedoch mit diesem
deutlichem bescheidt / das alles / was von den
Barwenden Gewercken an Gold vnd Sil-
ber geschmelket wird / das sie es Uns zu jeder
zeit / vmb gebührende Zahlung / vermöge
Ihrer Röm. Kay. May. Schlesiſchen
Bergordnung sein in Unsere Kammer / vnd
zu befürderung der Münke / dargeben / vnd
zukommen lassen sollen / vnd das solche Be-
freihung des Zehenden / auff die rechte an-
bauung des gewonnenen Erktes / nicht aber
auff die jenigen / so alleine alte Schlacken zu-
schmelken sich vnterfahen möchten / zuver-
stehen sey. Nach verflüssung aber solcher
Zehen Jahre / sollen vns die barwenden Ge-
wercken den Zehenden an Reinem Golde
vnd Silber zugeben schuldig sein.

Gebieten vnd befehlen hierauff / allen
vnd jeden / Unsern Ambtleuten / Vnterthä-
nen / vnd Verwandten / gegenwertigen oder
künfftigen / bein ihren pflichten / vñ bey ver-
meidung Unser straffe vnd vngnade / wieder
solche unsere Begnadung / Freyheit / vnd
ordnung / nicht zu handeln / oder das jemandt
zuthun gestaten / Sondern darüber festiglich
zuhalten /

urn:nbn:de:urmel-236cf241-d057-4b11-afff-74c120f5bb80-00008447-83

zuhalten/ vnd menniglich zuschützen vnd zu-
schirmen. Alles gank getreulich vnd son-
der gefehrde. Dessen zu wahrer Bhr-
kundt/ haben Wir Unser Fürstlich Insiegel
hierauff zu drucken befohlen/ Geschehen
vnd geben zum Brieg am Tage Johannis
des Teuffers/ Im 1601. Jahre.

urn:nbn:de:urmel-236cf241-d057-4b11-afff-74c120f5bb80-00008447-94